

Na osnovu člana 29. stav 1. Zakona o ustanovama ("Službeni list RBiH", br. 6/92, 8/93 i 13/94), člana 7. stav 1. i člana 8. stav 1. i 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH" br. 12/03, 34/03 i 65/13) i člana 38. Pravila Gradske biblioteke Zenica (Broj: 27/18), Upravni odbor Biblioteke, raspisuje

**KONKURS
za izbor i imenovanje direktora**

1. Opis pozicije direktora Javne ustanove Gradska biblioteka Zenica:

zastupa i predstavlja Biblioteku, određuje ciljeve i razvojne (materijalne, kadrovske i prostorne) planove Biblioteke, predlaže plan i program rada Biblioteke, analizira rad i izrađuje izvještaj o radu Biblioteke, predlaže finansijski plan i izvještaj o finansijskom poslovanju, predlaže sistematizaciju radnih mjesta, predlaže prijedlog pravila, odluka i drugih općih akata Biblioteke, usklađuje rad službi, bira i razrješava rukovodioce službi, daje opće upute i smjernice rukovodiocima službi, odlučuje o zasnivanju i prestanku radnog odnosa radnika, odlučuje o disciplinskoj odgovornosti radnika u skladu sa zakonskim ovlaštenjima, saraduje s nadležnim organima iz područja kulture, organizuje i vodi različite kontakte s javnošću, saraduje u nabavnoj politici i izdavačkoj djelatnosti, saraduje u poslovima iz oblasti propagande, brine o izradi propisa iz protivpožarne zaštite i njihovom provođenju, brine o izradi propisa i provođenju zaštite na radu i općoj sigurnosti, priprema plan i rješenja o korištenju godišnjih odmora radnika, odlučuje i o drugim pitanjima u skladu sa zakonom i općim aktima Biblioteke.

2. Pored općih uslova utvrđenih Zakonom, kandidat koji konkuriše za direktora mora ispunjavati i posebne uslove:

a) Opći uslovi:

1. da je državljanin Bosne i Hercegovine,
2. da je stariji od 18 godina,
3. da nije osuđivan za krivično djelo i privredni prijestup nespojiv sa dužnošću direktora,
4. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja upražnjene pozicije,
5. da nije pod optužnicom Međunarodnog suda za ratne zločine u bivšoj Jugoslaviji (Član IX 1. Ustava BiH),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
7. da nije izabrani zvaničnik, nosilac izvršne vlasti ili savjetnik u smislu odredbi Zakona o sukobu interesa u organima vlasti u FBiH,
8. da je zdravstveno sposoban za obavljanje dužnosti direktora.

b) Posebni uslovi:

- da ima završen VII stepen stručne spreme ili drugi ciklus studija po Bolonjskom sistemu iz oblasti humanističkih ili društvenih nauka,
- minimalno pet godina radnog iskustva u struci i spremi,
- poznavanje jednog svjetskog jezika,
- da ponudi Upravnom odboru program rada i razvoja Biblioteke u četvorogodišnjem mandatnom periodu,
- izuzetne stručne, radne, rukovodne i organizacijske sposobnosti,
- komunikativnost.

3. Kandidat koji se prijavljuje na Konkurs treba dostaviti sljedeću dokumentaciju u originalu ili ovjerenoj fotokopiji:

- prijavu (prijava treba da sadrži kraću biografiju, adresu i kontakt telefon),
- uvjerenje o državljanstvu BiH (ne starije od 6 mjeseci),
- izvod iz matične knjige rođenih (ne starije od 6 mjeseci),
- izjavu ovjerenu kod nadležnog organa da ispunjava opće uslove od broja četiri do sedam (4-7)
- diploma o školskoj spremi,
- dokaz o radnom iskustvu u struci i spremi,
- dokaz o poznavanju jednog svjetskog jezika,
- program rada i razvoja Biblioteke za mandatni period,
- dokaz o rukovodnim i organizacijskim sposobnostima,
- zdravstveno uvjerenje (samo imenovani kandidat).

Kandidati koji uđu u užu izbor dužni su naknadno dostaviti i:

- uvjerenje o nekažnjavanju,
- uvjerenje da se protiv kandidata ne vodi krivični postupak.

4. Kandidati koji blagovremeno dostave potpunu dokumentaciju biti će pozvani na intervju.

5. Direktor se imenuje na mandatni period od četiri (4) godine i može biti ponovo imenovan.

6. Konkurs će se objaviti u dnevnom listu "Oslobođenje", "Službenim novinama FBiH" i Web stranici Grada Zenica.

7. Konkurs ostaje otvoren petnaest (15) dana od dana posljednjeg objavljivanja.

8. Prijavu na Konkurs, sa traženim dokumentima, dostaviti lično ili poštom na adresu:

Gradska biblioteka Zenica, Školska 6, 72000 Zenica
sa naznakom: "Prijava na Konkurs za izbor i imenovanje direktora - ne otvarati".